

Ilidža, 23.05.2008. godine
Broj: 204/08

ZAKLJUČCI
SA SJEDNICE PREDSDJEDNIŠTVA
SAVEZA OPĆINA I GRADOVA F BiH

Na Ilidži je dana 23.05.2008. godine održana Deveta sjednica Predsjedništva Saveza općina i gradova Federacije Bosne i Hercegovine (u daljem tekstu: Savez).

Sjednici Predsjedništva Saveza prisustvovalo je **10** članova, i to:

1. **Ljubo Bešlić**, Gradonačelnik, Grad Mostar
2. **Semiha Borovac**, Gradonačelnica, Grad Sarajevo
3. **Hasan Ajkunić**, načelnik, Općina Bugojno
4. **Jasmin Emrić**, načelnik, Općina Bužim
5. **Mustafa Kurtović**, načelnik, Općina Goražde
6. **Amer Čenanović**, načelnik, Općina Ilidža
7. **Emir Bubalo**, načelnik, Općina Konjic
8. **Đuro Topić**, načelnik, Općina Orašje
9. **Vlado Alilović**, načelnik, Općina Vitez
10. **Ivica Pavković**, savjetnik za lokalnu samoupravu, Općina Posušje (po ovalštenju načelnika)

Pored gore navedenih, sjednici su prisustvovali i: **Dragana Solaković**, stručni savjetnik za lokalnu samoupravu u upravi Grada Sarajeva, **Mersija Krzić**, zastupnik SBiH u Pralamentu Federacije Bosne i Hercegovine, **Slaviša Šućur**, GAP, **Sabina Porović**, stručni suradnik za informisanje u Općini Ilidža, **Vesna Travljanin**, Sekretar Saveza, **Zlata Turkić**, saradnik za rad sa komisijama i institucijama vlasti, **Elvira Imširović-Bolić**, viši saradnik za pravna pitanja, **Edin Demirović**, saradnik za lokalnu samoupravu, i **Šejla Hasić**, viši saradnik za projekte.

G-din Ljubo Bešlić konstatuje da postoji kvorum za punovažno odlučivanje, te otvara sjednicu.

Dnevni red je jednoglasno usvojen.

1. **Zapisnik i zaključci sa Sedme sjednice Predsjedništva Skupštine Saveza općina i gradova Federacije BiH**

Zapisnik i zaključci su jednoglasno usvojeni.

2. **Zapisnik i zaključci sa Osme (tematske) sjednice Predsjedništva Skupštine Saveza općina i gradova Federacije BiH**

Zapisnik i zaključci su jednoglasno usvojeni.

3. Informacije u vezi sa zakonima u proceduri i zauzimanje stavova Predsjedništva Skupštine Saveza u vezi sa istim:

a) Prijedlog zakona o premjeru i katastru nekretnina

Predsjednik daje riječ g-dinu Jasminu Emriću.

G-din Emrić izvještava Predsjedništvo da je prisustvovao seminaru održanom u Neumu, organizovanom od strane Federalne uprave za geodestke poslove na temu Zemljišna organizacija. Konstatuje da je prisustvovao veliki broj eksperata i stručnjaka iz zemljišne administracije. Nakon diskusija i predavanja izvještava da su na seminaru predloženi slijedeći zaključci:

1. Stanje u Bosni i Hercegovini po pitanju vođenja zemljišnih knjiga nije zadovoljavajuće.

Ovom zaključku su posebno pridonijele kolege iz Republike Srpske sa svojim izlaganjima. Postojeće stanje nije zadovoljavajuće na način kako se vode zemljišne knjige. Cijeli tok rasprave je vodio ka odlučivanju da li je bolja jedinstvena ili dvojna evidencija. Većina prisutnih je naklonjena ka jedinstvenoj evidenciji.

2. Usvajanje prijedloga Zakona o premjeru i katastru. Interesantno je naglasiti da se o ovom prijedlogu nije ni govorilo na Simpoziju, te je g-din Emrić naglasio da je bilo začuđujuće da se takav zaključak i predlagao. Učesnici nisu imali ni tekst prijedloga Zakona. Nije se mogao podržati iz tih razloga. Prijedlozi Saveza kao i sugestije Predsjedništva Saveza nisu uzeti u obzir.

Stajalište g-dina Emrića je da Savez ne može podržati ovakav Prijedlog zakona jer nije urađen transparentno i sukladno zaključcima koje je donijelo Predsjedništvo a na osnovu javne rasprave. Sugerira da se Savez oglasi te da se Prijedlog zakona povuče iz procedure. U razgovoru sa članovima Radne grupe (g-dinom Jasminom Imamovićem, i g-dinom Zdravkom Prkom) predloženo je da se formira grupa eksperata na ovu temu koja bi dala sugestije.

G-din Bešlić predlaže da zaključak Predsjedništva Saveza bude da se Prijedlog zakona povuče iz procedure, te da se uputi pismo Parlamentu Federacije Bosne i Hercegovine uz obrazloženje da nije ispoštovan zaključak sa javne rasprave koju je organizovao Savez, kao i da stavovi Saveza nisu ispoštovani.

G-din Bubalo podržava i konstatuje da je neophodno povući Prijedlog zakona iz procedure.

Prijedlog zaključka je jednoglasno usvojen.

b) Nacrt zakona o statusu zaposlenika jedinica lokalne samouprave

Gđa Imširović-Bolić izvještava Predsjedništvo o radu Radne grupe na izradi Prednacrta zakona o statusu zaposlenika jedinica lokalne samouprave. Konstatuje da je također organizovana Osmo tematska sjednica Predsjedništva gdje je prezentiran Prednacrt zakona na kojem je prisustvovalo oko 60 predstavnika općina. Zaključeno je da se usvoji Nacrt zakona i da se pošalje jedinicama lokalne samouprave radi davanja primjedbi, sugestija i komentara do 15.05.2008. godine. Savez je prikupio primjedbe i sugestije. Pet općina nije podržalo ovaj zakon. Sve primljene sugestije i primjedbe su proslijeđene članovima Radne grupe.

G-din Bešlić postavlja pitanje vezano za status pomoćnika načelnika koji su imenovani od strane načelnika. Smatra da je potrebno i to promijeniti u zakonu, tj. da načelnik sam bira svoje pomoćnike.

G-din Šučur konstatuje da to jeste logično razmišljanje. Međutim, smatra da se to može riješiti kroz sistematizaciju radnih mjesta.

G-din Bubalo smatra da načelnik treba da ima pravo imenovanja svojih pomoćnika ali je problem što oni nisu zaštićeni nakon završetka mandata načelnika, te bi mogli ostati bez posla. Konstatuje da je to mač sa dvije oštrice.

G-din Emrić navodi primjer iz prijašnje prakse gdje je dolazilo do sukoba između vijeća i načelnika kod imenovanja pomoćnika, te da je neophodno ispitati sve mogućnosti i rješenja.

G-din Bešlić predlaže da se svi članovi Predsjedništva pismeno očituju po ovom pitanju.

Gđa Borovac upozna je prisutne da je ona učestvovala u izradi zakona koji je bio nametnut od strane OHR-a te da je bilo teško bilo šta uraditi. Smatra da su i načelnici popustljivi i da ne koriste sva svoja ovlaštenja kao što je provjeravanje rada togom godine. U vođenju lokalnih poslova neophodno je dovoditi kvalitetne ljude za realizaciju i implementaciju raznih projekata na lokalnom nivou.

G-din Bešlić smatra da oni koji provode federalnu politiku jesu državni službenici, dok oni u jedinicama lokalne samouprave to nisu, te je neophodno to izmijeniti.

G-din Šućur konstatuje da je potrebno isključiti ADS. Po Evropskoj povelji općina treba imati maksimalnu slobodu.

G-din Čolak sugerira da se u ovim zakonom regulišu i prava i status predsjedavajućih općinskih vijeća.

G-din Šućur konstatuje da predsjedavajući Općinskog vijeća po svojoj funkciji nije funkcioner.

G-din Bešlić sugerira da se budućim načelnicima sugeriraju preporuke po ovom pitanju.

Nakon završetka rasprava jednoglasno su usvojeni slijedeći zaključci:

1. Da se članovi Predsjedništva u roku od sedam dana u pisanoj formi očituju sa svojim primjedbama i sugestijama po pitanju rukovodioca organa jedinica lokalne samouprave;
2. Da se naziv zakona mijenja u Zakon o zaposlenicima u jedinicama lokalne samouprave;
3. Da se da preporuka načelnicima u slijedećem mandatu o statusu predsjedavajućih općinskih vijeća te da se preko Parlamenta pokrene inicijativa da se i u Zakonu o pravima izabranih dužnosnika riješi status predsjedavajućih općinskih vijeća.
4. Tekst zakona dostaviti OSCE-u radi upoznavanja sa istim kako bi poslužio kao osnova za zajednički sastanak.

c) Nacrt zakona o izmjenama i dopunama Zakona o organizaciji organa uprave u FBiH

Izvjestilac: Elvira Imširović-Bolić, viši saradnik za pravna pitanja

Gđa Imširović-Bolić izvještava Predsjedništvo da nije usklađen ovaj zakon sa Zakonom o principima lokalne samouprave. Gospodin Selver Keleštura je uradio Prednacrt zakona, te isti dostavio Savezu radi daljnje procedure. Na Osmoj tematskoj sjednici Predsjedništva navedeni zakon je usvojen u formi Nacrta i dostavljen općinama radi davanja sugestija, primjedbi i komentara zaključno sa 15.05.2008. godine. Samo su iz Općine Orašje stigle sugestije.

Informacija je jednoglasno usvojena, i zaključeno je da se sa ovim zakonom ide u dalju proceduru.

4. Informacije sa posljednje sjednice Predstavničkog/Zastupničkog doma Parlamenta Federacije BiH:

a) Nacrt zakona o državnim službenicima u organima državne službe u FBiH

Gđa Travljanin izvještava prisutne da je zakon upućen u proceduru od strane Federalnog ministarstva pravde, međutim da je na traženje Premijera Brankovića, a na inicijativu OHRA povučen sa dnevnog reda. Savez je tražio da se u zakon ugradi odredba da se status uposlenih u jedinicama lokalne samouprave reguliše posebnim zakonom.

b) Prijedlog zakona o izmjenama i dopunama Zakona o principima/načelima lokalne samouprave

Gđa Travljanin izvještava da se na tematskoj sjednici Predsjedništva razmatralo pitanje amandmana na Zakon o principima lokalne samouprave u Federaciji Bosne i Hercegovine. Tom prilikom Predsjedništvo je zauzelo stav da Savez ne može podržati ovaj amandman. Na sjednici Parlamenta se diskutovalo po ovom pitanju, pa čak i napadao Savez. Gđa Travljanin izvještava da je na sjednici Parlamenta dobila riječ da obrazloži stav Saveza čije stajalište nije bilo da se uskrati mogućnost i pravo građanima na suradnju sa zastupnicima. Predloženo je da se zajedno sa predlagračem razmotri rješenje. Gospođa Krzić (S BiH) je ovdje ispred predlagrača.

Gđa Krzić pozdravlja prisutne. Konstatuje da je stav predlagrača da maksimalno radi za općine te da smatra da bi ovaj amandman poboljšao rad na nivou lokalne zajednice. Smatra da je stav Saveza koji navodi i finansijske prepreke prejak. Smatra da je moguće da se obezbijedi prostor za rad i da je to u interesu građana. Izjašnjavanje u Parlamentu po ovom pitanju je odloženo za sljedeću sjednicu. Namjera predlagrača nije da napada Savez i da je širok dijapazon primjene ovog amandmana.

Gđa Turkić izvještava da je i Komsija za razvoj i unapređenje lokalne samouprave raspravljala po ovom pitanju, te da je stav da ovaj amandman nije u skladu sa zakonom. Stav komisije je da Savez sugerira općinama iznalaženje prostora i termina u općinama, a nikako da se utvrđuje zakonskim rješenjima.

Gđin Šućur konstatuje da je namjera predlagrača korektna sa dobrim ciljem. Zastupnici nemaju dobre uslove za rad, međutim nekorektno je nametati ovu obavezu općinama. Sugerira da se uvede kodeks ponašanja između nivoa vlasti. Zakonsko nametanje u amandmanu krši Evropsku povelju. Također, g-din Šućur smatra da za sve tehničke uslove treba da plati Federacija, a ne općine.

G-din Čenanović podržava stav Komisije. Smatra da Parlament treba da obezbijedi sredstva i mjesto za rad, a ne da je to obaveza općina. Na ovaj način stvorene obaveze nisu primjerene.

G-din Kurtović konstatuje da poslanici imaju podršku općina te da nije jasna njihova namjera za prostorom. Poslanici imaju sav prostor i potrebna dokumenta za rad u općinama.

Gđa Borovac konstatuje da uistinu postoje problemi u radu poslanika u Parlamentu, a u svrhu unapređivanja svog rada gđa Borovac sugerira da se nađe prostor u klubovima i komisijama u Parlamentu jer je Parlament dužan obezbijediti prostor za rad. Smatra da bi bilo svrsishodno da se obavežu poslanici da prisustvuju sjednicama općinskih/gradskih vijeća, te da na taj način vide šta mogu uraditi i kako pomoći.

G-din Emrić konstatuje da je Predsjedništvo Saveza opredjeljeno na dobru komunikaciju i saradnju sa Parlamentom. Navodi primjer svoje općine gdje ne postoji adekvatan prostor, ali da se može koristiti sala za sastanke. Ukoliko bi se usvojio ovakav amandman mnoge općine bi bile dovedene u lošu situaciju.

Gđa Krzić konstatuje da je upravo radi ovakvih komentara i sugestija i odlučila odazvati se pozivu Predsjedništva Saveza. Konstatuje da bi određivanje prostora ovisilo o mogućnostima općina, ali da se ipak negdje reguliše da predstavnici zakonodavne vlasti mogu koristiti prostor.

Prijedlog je jednoglasno odbijen.

G-din Bešlić konstatuje da Savez podržava usklađivanje rada Parlamenta sa jedinicama lokalne samouprave, ali da se ne može podržati da su općine zadužene za obezbjeđivanje prostora i sredstava.

Stav je jednoglasno usvojen.

5. Informacije o:

a) održanom sastanku sa ministrom Feliksom Vidovićem, Federalno ministarstvo pravde

Izvjestilac: Vesna Travljanin, Sekretar Saveza

Gđa Travljanin daje riječ gđi Imširović-Bolić da ukratko izvjesti Predsjedništvo o sastanku sa Federalnim ministarstvom pravde.

Gđa Imširović-Bolić izvještava da se delegacija Saveza sastala sa ministrom Feliksom Vidovićem i pomoćnikom Ivanom Matešićem. Na sastanku se razgovaralo o implementaciji Deklaracije usvojene na Kongresu u Neumu, potpisivanju Memoranduma o razumijevanju sa Vladom, te daljnjem unapređivanju saradnje između ove dvije institucije (Savez i Federalno ministarstvo pravde). Ministar Vidović je izrazio želju za saradnjom, a posebno na zakonima koji se tiču lokalne samouprave, te da se prijedlozi zakona, izmjena i dopuna zakona predlažu Parlamentu preko Federalnog ministarstva pravde.

G-din Bešlić smatra da je potrebno izraziti zahvalnost Ministru na prijemu delegacije Saveza.

Izvještaj i prijedlog su jednoglasno usvojeni.

b) aktivnostima Saveza vezanim za projekat koji realizuje sa Španskom agencijom za međunarodni razvoj

Izvjestilac: Šejla Hasić, viši saradnik za projekte – projekt menadžer

Gđa Travljanin izvještava Predsjedništvo da projekat sa Španskom agencijom za međunarodni razvoj kasni. Projekat je trebao započeti u martu ove godine ali je došlo do odgađanja početka implementacije od strane Aprodela – implementacione organizacije iz Španije.

Gđica Hasić izvještava Predsjedništvo o preuzetim koracima. Naglašava da su se predstavnici Saveza dva puta sastali sa predstavnicima Aprodela organizacije. Također, Savez je poslao potrebne specifikacije za domaće i strane eksperte kako bi se što bolje mogla vršiti implementacija projekta. Jačanja skupštinskih komisija Saveza općina i gradova Federacije Bosne i Hercegovine. Gđica Hasić naglašava da će Stručna služba Saveza izvijestiti Predsjedništvo o daljnjim pomacima na implementaciji projekta.

Informacija je jednoglasno usvojena.

c) realizovanim aktivnostima na projektu «Partnerstvo gradova»

Izvjestilac: Edin Demirović, asistent za lokalnu samoupravu/administrativni asistent

G-din Demirović informiše Predsjedništvo o održanim radionicama projekta «Partnerstvo gradova» a u sklopu kojih su se održali i prvi sastanci sa koordinatorima za rad sa Savezom. Također, g-din Demirović je da članice Predsjedništva koje nisu dostavile aplikacije za učestvovanje u projektu to i urade u najskorije vrijeme.

Informacija je jednoglasno usvojena.

d) realizovanim aktivnostima na projektu «Beacon Schema» III krug

Izvjestilac: Vesna Travljanin, Sekretar Saveza

Gđa Travljanin izvještava Predsjedništvo da je shodno zaključku Šeste sjednice Predsjedništva Saveza, Stručna služba Saveza uputila pismo zabrinutosti OSCEu. Nakon primitka pisma, čelnici OSCEa su zakazali sastanak kako bi se raspravljalo po ovom pitanju. Trenutno smo u toku transformacije projekta. Izrazili smo svoju zabrinutost za Beacon Schemu.

G-din Kurtović smatra da se Beacon Schema treba transformisati i promijeniti jer je Goražde apliciralo i ispunilo sve uslove međutim OSCE je ignorisao aplikaciju.

Jednoglasno se usvaja dosadašnji stav Saveza o transformaciji i promjeni Beacon Scheme.

G-din Demirović informisao je Predsjedništvo o održanoj Svečanoj manifestaciji dodjele Beacon statusa. Iz Federacije, Beacon status ponijela je općina Zenica na temu «Podrška pokretanju i razvoju malih i srednjih preduzeća.»

e) aktivnostima Saveza u okviru mreže NALAS

Izvjestilac: Šejla Hasić, viši saradnik za projekte – projekt menadžer

- radionice NALAS-a održane u Sarajevu

Gđica Hasić izvještava Predsjedništvo o održanim sastancima radnih grupa NALASa u Sarajevu u periodu od 6. do 11.03.2008. godine. Savez je bio pokrovitelj i organizator. Sastanke su otvorili Sekretar Saveza, Vesna Travljanin i načelnik Nedžad Koldžo, predsjedavajući skupštinske komisije za međunarodne veze i saradnju. Sastanci su okupili preko 30 učesnika iz 15 zemalja. Tokom posjete, prisutni su imali priliku i posjetiti deponiju smeća koja je izgrađena po Evropskim standardima i koristi se kao dobar primjer ekološki i energetski savjesne deponije u Evropi.

- izrada Strateškog plana NALAS-a

Gđica Hasić izvještava Predsjedništvo o održanom sastanku NALAS radne grupe za izradu Strateškog plana NALASa čiji je član i predstavnik Saveza općina i gradova F BiH. Radna grupa je napravila Nacrt strateškog plana koji će biti prezentiran na sjednici Ofircira za vezu koji se održava u Moldaviji od 22-24.05.2008. godine. Nakon sjednice, radna grupa će se sastati krajem šestog mjeseca kako bi uvrstila sve primjedbe i komentare.

f) potpisivanju Memoranduma o saradnji sa UNDP-om i imenovanje članova za rad sa UNDP komisijama

Izvjestilac: Šejla Hasić, viši saradnik za projekte – projekt menadžer

Gđa Travljanin ukratko obavještava Predsjedništvo o održanim sastancima sa UNDP predstavnicima te stavu Saveza oko učestvovanja u projektima UNDPa.

Gđica Hasić ukratko izvještava o tri projekta čiji je implementator UNDP, te potrebu da se odrede članovi Upravnih odbora. Također, izvještava da je UNDP ponudio Memorandum o razumijevanju za projekat Analiza potrebe za edukaciju kadrova na lokalnom nivou.

Gđa Travljanin naglašava da bi u radnim grupama prisustvovala gđica Hasić.

Jednoglasno je odlučeno slijedeće:

- 1. U roku od 15 dana članovi Predsjedništva će dati svoje sugestije i komentare na Memorandum o razumijevanju, te će se tada pristupiti pregovorima o potpisivanju.**
- 2. Imenovani članovi Upravnih odbora UNDP projekata su:**
 - g-din Emir Bubalo za ILDP (integrirani lokalni razvoj)
 - g-din Mustafa Kurtović za LOD (rad sa nevladinim organizacijama)
 - g-din Đuro Topić za MTS (analiza potreba za edukaciju kadrova)
 - gđica Hasić će koordinirati rad i biti u radnim grupama projekata.
 - U slučaju da gore navedeni predstavnici nisu u mogućnosti prisustvovanje, predstavnik Saveza će zamijeniti člana Upravnog odbora.

6. Izvještaj sa održanih sjednica skupštinskih komisija:

a) Komisija za razvoj i unapređenje lokalne samouprave

- Prezentacija UNDP-a na temu «Projekat integriranog lokalnog razvoja»
 - Prijedlog zakona o izmjenama i dopunama Zakona o principima/načelima lokalne samouprave
- Izvjestilac: Zlata Turkić, saradnik sa rad sa skupštinskim komisijama i institucijama vlasti

b) Komisija za ekonomski razvoj općina i gradova

- Presentacija UNDP-a na temu «Projekat integriranog lokalnog razvoja»
Izvjestilac: Zlata Turkić, saradnik sa rad sa skupštinskim komisijama i institucijama vlasti

c) Komisija za međunarodne odnose

- Presentacija UNDP-a na temu «Projekat integriranog lokalnog razvoja»
Izvjestilac: Zlata Turkić, saradnik sa rad sa skupštinskim komisijama i institucijama vlasti

Gđa Turkić izvještava Predsjedništvo da su se navedene komisije sastale u plenarnom sastavu kako bi UNDP prezentirao projekat integriranog lokalnog razvoja. Članovi komisija su izložili svoje komentare, sugestije i prijedloge predstavnicima UNDPa. Također, gđa Turkić naglašava da je Komisija za razvoj i unapređenje lokalne samouprave razmatrala i Prijedlog zakona o izmjenama i dopunama Zakona o principima lokalne samouprave u F BiH, te da je zaključke Komisije predočila Predsjedništvu pod tačkom 4. Dnevnog reda. Uz to Komisija za međunarodne veze i saradnju je razmatrala izvještaj o aktivnostima NALASa o kojem je Predsjedništvo već izvjestila gđica Hasić.

Izvještaj je jednoglasno usvojen.

7. Izvještaj o realizaciji uplate članskog doprinosa Savezu

Izvjestilac: Vesna Travljanin, Sekretar Saveza

Gđa Travljanin izvještava Predsjedništvo o uplatama članskog doprinosa. Konstatuje da je od ukupno 78 članica prvi kvartal izmirilo 64, te da su upaćena neka sredstva po dugu iz 2006 i 2007. godine. Gđa Travljanin naglašava da je stanje zadovoljavajuće ali da može biti i bolje. Gđa Travljanin se nada da će općine koje nisu uplatile članarinu za prvi kvartal to učiniti u najskorijem periodu.

Izvještaj je jednoglasno usvojen.

8. Inicijativa Općine Prozor-Rama

Izvjestilac: Sejad Čolak, predsjednik Općinskog vijeća

G-din Čolak zahvaljuje na prilici da obrazloži inicijativu koja se tiče Zakona o raspodjeli javnih prihoda u HNK-u. Naime, Nacrt je povučen sa Skupštine HN kantona i vraćen Vladi na razmatranje. Nakon toga, isti Nacrt je vraćen na dnevni red Skupštine što ukazuje da je nije ispoštovana zakonska procedura. Također, mišljenje Saveza nije traženo kako je to propisano Zakonom o principima lokalne samouprave u F BiH. Stoga, općina Prozor-Rama traži od Saveza da se pokrene postupak pred Ustavnim sudom F BiH kako bi se utvrdila zakonitost Zakona o pripadnosti javnih prihoda.

G-din Bešlić smatra da treba anketirati sve općine kako bi se utvrdilo da li ovaj problem postoji u drugim općinama, te da Savez pokrene tužbu. Predlaže da Savez napravi popis do 10 mogućih eksperata, a da se Predsjedništvo izjasni na narednoj sjednici o osobi koja će predstavljati Savez.

Ovaj prijedlog i inicijativa su jednoglasno usvojeni.

9. Inicijativa za organiziranje radionica vezanih za implementaciju Zakona o dugu, zaduživanju i garancijama Federacije BiH

Izvjestilac: Jasmina Đikić, finansijski savjetnik u GAP-u

Gđa Đikić pozdravlja prisutne i zahvaljuje za priliku da se obrati Predsjedništvu. Inicijativa se tiče Zakona o dugu, zaduživanju i garancijama Federacije Bosne i Hercegovine koji je stupio na snagu 11.12.2007. godine. Ministar Ćurak je svjestan svih obaveza koje općine po ovom Zakonu moraju ispuniti, te je predloženo da Ministarstvo zajedno sa Savezom uz tehničku pomoć GAPa

održi niz radionica za uposlenike u općinama. Također, ovo može biti prilika da se na ovim radionicama prikupe sugestije i komentari na Zakon, te bi se eventualno moglo pristupiti na izmjenama i dopunama Zakona.

Inicijativa je jednoglasno usvojena.

10. Tekuća pitanja

G-din Bešlić izvještava Predsjedništvo da je Savezu stigao dopis od strane Federalnog ministarstva finansija u kojem se traži od Saveza da imenuje dva kandidata za Komisiju za revolving sredstva koja će pratiti upravljanje revolving fondovima, od koji će jedan biti izabran za člana navedene Komisije, uz to da kandidati ne budu iste nacionalnosti.

Jednoglasno je usvojeno da se ispred Saveza kandiduju gđa Semiha Borovac i g-din Vlado Alilović.

G-din Šućur se javlja za riječ te predlaže potpisivanje Memoranduma o razumijevanju između Saveza i GAPa kako bi se još više poboljšala buduća saradnja.

G-din Bešlić predlaže da svi članovi Predsjedništva pročitaju prijedlog ovog Memoranduma te da daju suglasnost za potpisivanje.

Prijedlog je jednoglasno usvojen.

Gđa Travljanin konstatuje da će ubrzo nastupiti vrijeme odmora te da je bitno da se sada odredi vrijeme i mjesto slijedeće sjednice Predsjedništva. Predloženo je da to bude u Posušju.

G-din Bešlić smatra da bi to trebalo biti u prvoj polovini sedmog mjeseca a da se vidi u prošlim zapisnicima koja je općina na redu.

Prijedlog je jednoglasno usvojen.

Nakon konstatovanja da su sve tačke dnevnog reda zaključene, g-din Bešlić okončava sjednicu Predsjedništva u 12:30 sati.

Predsjednik Predsjedništva

Zapisničar

Ljubo Bešlić, s.r.

Šejla Hasić, s.r.